

黃陂阮麟運編纂

訂正
最新
政治地理學

蕪陽祝維祺書

民國三年五月初版

四年五月訂正再版



(最新政治地理學)

(全部定價銀幣陸角)

編纂者 阮麟運

校訂者 李式金

發行者 陳時

印刷所 武昌南樓前街
傅集文
一百四十三號

發行所 武昌中華大學

分售處 各大書局

序

吾國古鮮談政治地理者有之自禹貢始班氏因撰地理志失在沿襲禹貢政教不詳晉書地理古稱詳瞻惟牴牾之處識者譏焉王隱地道永初山周徐何州郡陸澄地理道元水經注或詳於古而略於今或得於此而失於彼要非完書顧亭林天下郡國利病書宏博極矣其失也燕瀛環志略海國圖志風假一時亦當代之桀作也而歷時既久率多改革不可據爲典要自其書所以橫絕古今傳之世世不可增減一字也余少山某水某要隘輒色然喜聞人談海外某國某政教則其翼不能奮飛一往遊覽之也成年以後馳騁四方壯顧國中究心斯學者祇有湖南鄒沅帆先生前參政士可陳先生而已吾友養格學稍後然用力甚勤所得尤紉回首初交之年歲月不居忽忽已十稔矣無一歲不見養格見則書一卷筆一管據案作蠅頭書丹鉛雜選間以塗抹迷漫幾不可辨海內外圖書之屬縱橫狼籍高可隱人往往出一

書而養格夕已讀之矣用力之勤心思之細四海以內有如吾養格者乎吾未之聞也主講武昌中華大學寒暑三嬗首成地理學一書而其精力所萃乃在政治地理中年數易稿數削不學如余相見之下必強與商榷所謂河海不擇細流者非耶養格清穆沈默與談世界大勢政治得失某國某地如何如數指上螺紋滔滔不竭無有能難之者使出所學以備外交地理之顧問乎則愛琿條約何至失黑龍江以北地北京條約何至失烏蘇里江以東地伊犁條約何至僅得一空城西南兩境割隸俄屬印藏條約何至使哲孟雄非復我有吾尤願吾國人盡爲養格留心疆域不復作醉死夢生狀態任人恫喝我而玩弄我致日蹙國境則異時堂堂五洲吾黃種人足跡庶乎不漸滅以盡焉養格曰此編成後將竭吾畢生精神搜羅古今中外方志抉精汰蕪必詳必實都爲鉅冊獨惜其髮種種而老之將至也余笑應之曰壯哉斯言真不朽之鴻業後進之葦航也養格養格請從此始

民國紀元四年六月九日黃安陳冠冕序於武昌旅次

序

吾友阮君養格粹於地理學極深研幾將及十年神妙所到嘗能奪默深遠帆之席而養格固私淑魏鄒二先生者也歲壬子予開勦武昌中華大學癸丑始延養格擔任地理講座授政治商業及普通中外地理所至受學子歡迎於先賢遺學多所繼述近世玄秘復加發明斗室之內有大造於全球更有大造於吾國甲申喪師以後外藩盡撤向之以朝貢爲殖民者不知幾易主人予束髮受書數東方地圖變色者皆多故家物國人甚至不能舉其名常識之不充可勝浩歎西國大政治家之所鼓吹均以歷史地理爲基礎西方國民於人生與地理之關係近更視若水火菽粟法失耶羅二州全國視爲奇辱今之歐陸風雲以金錢血肉相拚擲者無非爲此版圖闢蹙計則斯學之與世界人類蓋有不可思議之樞機存養格洵善明當世之務者哉養格於學無所不窺年五十不倦瘁力於地理學尤甚本書稿成恰在歐戰方酣與中日交涉外蒙取消獨立之際予縱史其付梓以貽

世人並書所感而爲之序民國四年六月陳時叔澄氏拜手識於劍濤閣



凡例

一本書取材近出政法輿地年鑑報章雜誌紀錄等籍。不下百數十種。名目繁夥。不及備載。

一本書全部大分四編。第一編汎述世界政況。第二編述民主立憲國。第三編述君民共主立憲國。第四編述君主立憲國。

一本書序述各國地名。一以新化鄒氏中外輿地全圖爲宗。間有所未備。則以他圖參照之。讀者可按索而得其方位。

一本書纂輯成編。在歐戰未發生前。所述歐洲各國情形。與現時不無出入。然戰役方殷。局難懸定。讀者諒之。

編者識



訂正 最新政治地理學目錄

緒論

第一編

第一章 國家之概念

第二章 國境之分劃

第三章 國土之位置

第四章 人口之分佈

第五章 國體及政體

第六章 財政

第七章 軍備

第八章 教育

第九章 宗教

第十章 產業

第十章 交通

第十一章 屬地

第二編

第一章 中華民國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地

第二章 美利堅合衆國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地

(甲)亞細亞(乙)海
洋洲(丙)亞美利加

第三章 巴西共和國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第四章 阿根廷共和國

第一節 疆域及人口

第二節 政體

第三節 財政及年備

第四節 教育及宗教

第五節 產業及交通

第五章 法蘭西共和國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地

(甲)亞細亞 (乙)海洋洲 (丙)阿非利加 (丁)亞美利加

第六章 瑞士共和國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第三編

第一章 英吉利帝國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地

(甲)歐羅巴 (乙)亞細亞 (丙)海洋洲 (丁)阿非利加 (戊)亞美利加

第二章 意大利王國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地 (阿非利加)

第三章 比利時王國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地 (阿非利加)

第四編

第一章 德意志帝國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地 (甲)亞細亞(乙)阿非利加(丙)海洋洲

第二章 奧匈聯合帝國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地

第三章 俄羅斯帝國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地

第四章 日本帝國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地

第五章 暹王國

第一節 疆域及人口

第二節 政體

第三節 財政及軍備

第四節 教育及宗教

第五節 產業及交通

第六節 屬地

第六章 波斯王國

第一節 疆域及人口

第二節 政體財政及軍備

第三節 教育及宗教

第四節 產業及交通

結論



訂正最新政治地理學

黃陂阮麟運養格編纂

緒論

地理學之濫觴。泰東本於禹貢一書。泰西本於希臘地球與記述二語。自有此種學說以來。東西碩儒。殫精研究。代有著作。多所闡明。洎乎輓近。全球洞闢。西被東漸。互證參詳。地理學科。適昭美備。其範圍極廣闊。其包羅極宏富。綜紀彙錄。類別門分。各有專家。大別約分三種。一爲研究天體與地球之關係者。曰天文地理。亦稱數理地理。凡地球在宇宙間。其發生構造及大位置形狀運動區畫與天體有如何關係。罔不精確言之。二爲研究地球表面自然之狀態者。曰地文地理。亦稱自然地理。凡地球上水陸氣三界之區分。與動植礦各物之分布。一切自然界之現象。悉覲縷陳之。三爲研究人類生存與地理之互相關係者。曰人文地理。卽所謂政治地理。假大塊爲舞臺。演人羣之活劇。準星分野。測度劃疆。河山一枰。龍興虎視。民殷物阜。富媪効靈。政治界之作用。泰半由數理界與自然界繚繹而出。洵極有興味之一學科也。此科研究必

要之事項爲邦國之疆域。人民政體。財政軍備。教育宗教產業交通屬地等類。學者準此以求。則世界各國政治之真相。瞭如掌紋矣。在昔孫子兵法。操勝算於知己知彼。方今搏搏大地。強國林立。各佔顏色。以相錯處而角逐。我中華河山之美。卓絕寰球。而臥榻之旁。外人鼾睡。甚且羣思染指。分嘗一鱗。於茲欲戡彼野心。折彼狡謀。是在有志從政諸君。於政治地理學之研究。深加之意。庶有豸乎。

第一編 汎論

第一章 國家之概念

人類之團體。發生於家族。由家族進而有村落都邑。於是由無數個人小團體結合爲一大團體。其團體中。語言文字風俗習慣相同者。謂之民族。民族之團體。以個人爲分子。而各分子之外。必有一使之團結者在。於是有所謂國家。國家者。實吸收多數分子相集合而構成之。一有形團體也。其成立爲一民族或數民族所團結不等。而團結力之發生。以土地接近爲必要。試揭國家之簡單定義。則爲有一定之人民。於一定疆土內。被統轄於獨立唯一之主權之團體是也。

第二章 國境之分割

凡論一國。必先明其四境。四境不明。國界奚定。故古時外限山川。以爲國境。其無山川之界限者。則設中立地帶。以絕國際之紛爭。近世人口繁滋。各國競事拓殖。國境之論。益斷斷然。英日島國。四面環海。不與他國接壤。國境固自易明。若大陸諸國。犬牙相錯。界址毗連。則國境之區劃。爲必要矣。試徵過去之歷史。與夫協定條約之習慣。區劃國境之法。有天然人爲兩端。天然國境。以天然物爲標準。如河山湖海等類。山以峰峻。水以中流。察天然之形勢。成一國之形勢者。是也。人爲國境。以協定條約爲標準。標識一國之疆域。畫綫爲界。如境石境坑街道溝渠運河浮標等類。假人工之構造。成一國之境域者。是也。此皆物質的境界。若精神的境界。則按經緯度而定之。特非精於測量。則易啟兩國釁端。謀國是者。正未可輕忽以將也。然則國境之最難區劃者。莫如領海。海洋公地。爲世界各國所共有。無論何國船舶。皆可自由航駛。自由漁獵。不得爲一國所專主。若沿岸國沿岸之海洋。爲其國主權所享有之區域。可絕對使行其主權者。是爲領海。領海範圍之廣狹。學說不一。要不外依陸地上兵器武力得以實行其權力之區域。爲其領海之區域。自人智進步。技藝日精。範圍亦漸次推廣。昔以三海里計。